

ZAWLBUK

A communique for the Hmar people in Bangalore
(for private circulation) Phone No: 9986384357, 9886561943

Editor: Randolph Amaw (9986384357)
Asst. Editor: Robert L Sungte (9900911963)
Circulation: Rama Khobung (9916395976)
Zairemthang (9886561943)
Solomon Hmar (9916974135)

TUOLSUNG CHANCHIN

By: Zawlbuk

Tv. Joel Sailo, ei freelance graphics designer khawm a sinthawna le inzawmin kar liemta khan Mumbai tieng a mi lo inzin san, dam taka a hung nawk vat ei beisei.

Bangalore First Lady, Pi Lalrodang khawm a neka nasa lema inenkawl dingin kar liemta khan veng tieng a mi lo inlawisan tah. A imaksan Pu JK khawm khawsawt takin tulai chu a um niin chanchin ei dawng a nih. Pathienin mal mi sawm a ta, Bangalore Member ei pung vat ei besei tah a nih.

Pu Solomon Khawbung le Tv. Mang khawm hun sawttak Kerala tieng thaw ding pawimaw leia zun zin khawm dam takin Bangalore an hung tlung nawk tah. Khawsawt tamtak khawm an dam nawk ngei tah a nih.

Ei rawngbawltu, Tv. Nelson Songate khawm vengtieng inenkawl malama chawm hmanga hang suok khawm kar liemta khan Bangalore a hung chuongkai ve nawk tah.

Nk Emily hai unau khawm Wilson Garden tienga inthawkin Ejiupra tieng an lo insawn diei diei tah... Ejiupra tiengpang revival thlarau thar tak an va nawr dawk ngei ei beisei.

Ei member Tv. Lalhminghlu khawmin Coffee Day ah sin thar lawmum tak a lo hmu ve tah, ei lawmpui em em. Chun Nk. Hoineu khawm Ariana Restaurant ah thawkna a hmu thar bawk, ei chanchinbu chun hlawtlingna chang hai a lawmpui takzet, midang khawm hlawtlingna chang ei um chun inhrepaw vat vat ei tiu.

Bangalore nunghak kumhlun, Nk. Dorothy Songate khawm thaw ding pawimaw nei leiin Mumbai tieng wawituk khan a mi lo liem san. Ni khat vel cho cham dinga suok niin chanchin ei lo dawng.

BHCF Thuoitu tienga inthawk chanchin ei lo dawng danin hung tlung ding thla thar hin mikhuol ei nei nuol ding nia hriet a nih. Bangalore Fellowship khawmin ei mamaw ta em em a hawi bawk a nih, thlarau tieng ei tawl ta a, mi chawm hring tu ding hi hung zing thei hai sien nuom a um takzet.

Hang insuo nawn nawk ei tih, Bangalore HSA chun registration hun a hawng zing. Ei website administration tiengpang haiin hun an nei hmasatakah registration record hi computer in manage tir dingin siem tum an tih. Hi thu le inzawmin member haiin ei hlawkpui thei dan ding tamtak a um, chuong hai chun siem zo a ni charin suklang le inhrietir ning ei tih. Sienkhawm, iengpo thaw a ni hma in hi thu hi HSA committee in wawikhat la review nawk a tih. Thu chienglem lo la nghak fan fan ei tiu.

Tuta kar hun sung khan ei member hai Election ding le inzawmin invirbuoi lup lup ei um nuol. President pu khawm vel thum vel chu campaign lai a thang ve niin thu ei lo dawng. Tuta tum Bangalore Election a hin HSA khawmin Pu HT Sangliana, Congress Candidate, open support a pek. Election ni khawm khan member thei ang angin kutpha limah vote an va thlak ve niin chanchin ei dawng bawk. Chanchin kimchang lem chu result hung suok pha hriet thei ning a tih.

LAWRKHAWM TAKMEU MEU

Pu John, HSA Genera HQ, President in Bangalore HSA thanguina ding le inzawmin tuta felai mek India Cricket a hin Bangalore Royal Challenge hmingin bet a siem, a bet ngam ngam tiin mi a cho zing bawk. Hi taka a lost annawleh a win po hi HSA fund a lut ding a nih. A challenge na a chun BRC hai hi Semi-Final chen inkhel an tih a ti anih. A bet let ngam ei um dim?? Zani ta an match en dan chun semi-final chu an lut ta dal thei a nih.

KARTHAR PRAWKRAM

Inkhawm ni	3 rd May, 2009
Inkhawm hun	Zantieng Dar 3:00
Thuoitu Ding	Lingarajpuram thalai
Tantu	Puonglang ding
Thawlawm Inhlantu	Puonglang ding
Special No	Puonglang ding
Thuhriltu	Puonglang ding

*Tuta thla tlawmngaia mawphurna changtuding hai:
Usher: (Leader) Tv. Lalthanei, Tv. Hmingropui, Nk.*

Laldinnmawi, Nk. Nancy Pudaite

Worship Leader: Artists hai le a dang dang.

Keyboardist: Tv. Abraham, Tv. James Joute, Tv.

Randolph

Mike: Tv. Zairemthang, Tv. Joseph Darngawn

BHCF/HSA

Thuoitu tienga inthawk thu ei dawng danin tuta inthawk chu BHCF member ni dinga in register hai chun register man cheng Rs. 50/- leh in register ta ding tiin thusuok an lo siem tah. Bangalore Fellowship history a chu registration fee a um hmasatak na ding a la ni a nih.

HSA

Hmar Students' Association, Bangalore Branch E-Bible Project Committee chun Tv. Barnaba Infimate in Project a hmang ding tia Rs. 100 phal taka a hung thawlawm na thu ah a lawm takzet. Member dang khawm thanguina thaw nuomtu hai chun iengtiklai khawm thaw thei zing a nih.

****Hun iemani chena inthawka HSA committee a an lo chai tah, member identity card siem ding thu kha, committee nuhnungtak khan rel fel a lo nit ah. Karnataka sunga hin student pawl hrim hrim registration thaw thei a ni naw leiin North-East tieng ei General Headquarter registration hai hmangin I-Card hi siem vat ni ta dingin a lo rel thluk tah. Tuta ei thaw lai mek project hi tuta inthawk kar hni sung hin zo thei dinga riruong a ni a, zo le inruol ruol hin I-Card buoipui nawk nghal ni tang a tih tiin chanchin thuoitu tienga inthawk chanchin ei lo dawng.**

*****Hun iemani chena inthawka HSA in a lo chai tah ei Finance Secretary post chellai zing Tv. Joseph Songate in a sin a sunzawm thei tak naw na thua HSA in a sin a nina a hliptlak pek tah. Ad-hoc a a ai aw dinga committee in a iruot Tv. Barnaba Infimate hi kar liemta committee khan permanent a Financy Secretary dingin a ruot. Hi committee a hin a post inhlann felna hunser nei nghal a ni bawk. Member tinin ei secretary thar lawmpuina in ditsakna min hlan pui ro!!**

EDITORIAL KAWLUM

Ei dam tlang maw?? Tiemtu tienga inthawka ngaidan ka lo dawng angin vawisun chu ei Editorial mak dangdai deuin ei hang tan a ni hi, tiemtu khawmin thatho taka lo tiem ngei dingin ei inngen hmasa anih.

Awleh!! Vawisun hin hnam ngainat hi thil inzapui um a ni naw thu tawite in hang hril ka tih. Ka phone a hin ei chengna ram “Kanada” tawnga hla pakhat ka sie ve a, ka ruolpa hin “A tawng I hriet khawm ni lo, iengda I lo sie ve” ti fiemthu titak deu a a min dawnna chun keiin “Ka nuisan dinga ka sie a ni kha”, ka ti pek a. Ring nekin a lo lak serious vieu khawp el a, “Ehe!! Office puotieng mihaiin hre hai sien chu aw” a ti ringawt, ieng hlak a mi law thei si nawh. Kha chen khan kei khawm ka fiemthu thaw a tawp hmak nghal a nih. Ka ruolpa hin an tawng hi an zapui am leh? Annawleh an hnam hi a ngaisang am le? Anih, hnam le tawng ngaipawimaw em em mi a lo ni zing a nih. Eini Hmar inti ve hai hin teh, ieng ang chenin am ei tawng hi ei ngaina a? Ieng chen am ei tawng humhalna dingin hma la ngam ei ta?

Nuhmei Pasalin ei thaw thei tawk chu angkhat vawng a nih. Hnam dang mi le tawng dang mi ei hmu chang hin tawng dang hang hmang nghal dam hi bansan tum ei tiu. Hnam hausa, ram hausa le hnam changkang ni theina dinga lampui um sun chu tawng hi a nih. Ei tawng hi an dar a, mi tamtakin an hung hriet pha chun fak zawngna tienga khawm business market hung lien a ta, thaw ding khawm hung hau tang ei ta, thil dang tamtak hlawkpuina ei nei ding a nih. Hi hi anih annawm ei unau ei kawle-kienga tawng dang hmang haiin an thaw tum tak chu, tawng thedar hi.

Pahnina dinga chun a tawng hmang kher ni a ni nawk nawh. Mani hman tawng thiem si lo, sienkhawm inzapui chuong baw lo mi ei lo la um nawk a nih. Hieng hai hi inpak an um em em nawk thung. Tawng hmang thiem lo sa sa khawma ka hnam a nih, ti ngam tu hai hi. Eini lai khawm mi tamtak ei um ngei ti khawm ei hriet, a biktakin unau state dang danga inthawk hung hai hin Hmar tawng hi an lo hmang innal nawh a, sienkhawm ka hnam anih an hang ti ngam chat dam hi a mawi ei ti vieu naw maw?

Eini Bangalore a Hmar hi zat um hai hin ei tawng hi ei ngaina ve am? Humhal dingin thang ei lak am? Ei tawng miin an deusaw hin na ei ti hlak am? A tawp taka chun Hmar ka nih I ti ve nawk lawl awm si a, Pathienin Hnam ni dingin a min din a, tawng mawi tak a mi pek hi inzapui loin chawisang seng tum ei tiu.

KHANGZEP *Mipui Rawl*

Sam tan nuom le hmel tha nuom hai chun iengtiklai khawm pan thei ka nih..gender no bar... *Nk.Elsa*

Office kai le housewife thaw kawp hi chu alo harsa deu chu ani ie...*Pu.Gabriel Inbuon.*

Ka single nawk tah a, dar 10 an ri ta hin chu ka leng daw el hlak anih. *Pu.Jk*

Ka vote va thlak ve chu a tu tak him ka lo support anih a hmunah ka hriet ve cho.. cher cher mai rawh.. *Nk. Lynda*

Pulpit a thuhril ding hi mi an um ta si nawh a, tawngtai khawvar dam hi rawt ta inla ti... *Tv. Gershon Khawbung*

Tulai chu officer te ka ni ringawt el a nih, ka fe na na ah driver ka nei ngat ngat bawk.. *Pi Dari*

Tulai chu a hma nekin ka pa lem deu tah, an mi ti nazawngah ka fe ta le... *Tv. Japheth Darnagawn*

Thuhrlitu ah mi ruot ve pal an tih ka ti a, Saturday ah leave ka lak a, Sunday ah office ka kai hlak.. *Tv. Solomon Hmar*

Election hi chu an thaw chi ngei el, a thlawmin mobile an recharge zek zek el annawm ie..he he.. *Tv. Rama Khobung*

Kei chu khawsawt chu ka hriet ta naw deu hlek a nih.. *Nk. Rose*

AWARENESS

Vai rama um ei niha, khawsak dan khawm veng tieng leh an ang ta naw hle anih ti a hmasa in hang hre phawt ei tiu.

Vai ram ei hung chuonkai hin thil ngaituo ding tamtak a um, chuonghai lai a pakhat chu hi hi a nih. Ka khawsak dan le changdan hi a ram neitu hai chethlak dan a ni am? Ti hi. Ei rama chu nunghak tlangval zalen takin ei khawsa tlang hlak a, lampuia hai khawm hang inkuo le hang insai khawm paw ei ti nawh, sienkhawm tuta ei chengna ram neitu hai khawsak dan alo ni ta naw tlant. Mi zulzau, mi lep-le-hang, hlawnaw cho a ni lem hlak, ngaituo ve reng reng la Degree tha tak chu a ni nawh ti hre nghal I tih.

Incheidan hang hril nawk inla, puonbil insing le khawlai leng chu ei hnam sunga chu paw ei sak nawh, sienkhawm Vai rama na na na chu hang insum tum baw ei tiu. A ram neituhai mit lak tak a nih ti hrieng ei tiu. Hieng anga inchei a, khawlai leng par hai hi ei hnam khawmin ending tan ta sien khawm thil paw ni kher naw nih ti nuom chang a tam el tah, a biktakin nuhmeihai hin incheidan mawitawk le huntawk hriet tum ei tiu.

AWARENESS *Vantlang Ngaidan*

Vai ram ei lut hin tlangval zawng dinga hung ei ni nawha, mani insung, mani future siem dinga hung ei ni leiin a mawitawk a inthuum seng tum ei tiu.

Incheidan hin mihriet lungril 80% a puonglang a nih ti hre zing ei tiu. A zakuo hak iengang showroom a inthawka inchawk khawm ni sien la, annawleh ieng ang zat khawm a man lo ni sien, hi hi chu secondary a nih. Thuomhnaw hin mihriem hi a chawimawi nawh a, mihriem a hrilfie lem cho a nih.

Bottom-line::: Bengvarna inchaw la, zawr dawk ta naw rawh. I nakawr khingtieng lut sien la, khingtieng insuoktir ta naw rawh.

E-Bible Project *Randolph Amaw*

3rd Week a tlawmngaia mawphurna lo chang ve tu hai chu: *(Hieng hai hi semthar hai an nih)*

1. Tv. Ruoltinkung Puruolte
2. Tv. Goldenthang Songate

Tuta kar thar chu ei project a ding sin ei la nei hri naw ding anih. Delhi version hi ei entry zo vawng tah. Chun BFTW le BSI version hai ruok hi chu an copy mi pek a fel zan naw leiin member hai kuoma ei semdawk hma in siemthat ngai a um a, zo a ni charin sem dawk nawk nghal ning a tih. A hma a la chang lo khawmin reservation thaw ei um nuol leiin member hai lawm ei um tlang khawp el. Thang la tlang zing ei tiu aw le.

Thaw Hmabak:

- 1) Hmabak la um hai chu Bibles for the World le Bible Society of India version hi a nih a, hi hun a hin sem kim vawng ei tum ding an tah. Chuelkhelah, a lo sut ta sa hai khawm chanvo ngam tawk seng hau nawk seng dingin ei infiel nawn nawk a nih. HSA mawina chu ei renga ei mawina a nih ti hre zingin.

I lo ngaituo ve hlak dim::: “Khawvela Hmar E-Bible hmasatak siem lai khan ka lo thang ve” ti theina chance I nei hi?

I ngaidan thawlawm rawh

Member I ni angin Bangalore Hmar ei inthuidan hin I ngaidan thawlawm thei zing a nih. BHCf/HSA a ieng ieng khawm hmalak dan kawngah ngaidan, complain, hrilnuom nei hai chun iengtiklaikhawm Editor 9986384357 ah thawn thei zing a nih. Thei tawkin thang ei lak tlang pei ding anih.

